

**Depozit/omonat mablag'ini garovga olish to'g'risida garov shartnomasi**  
(Depozit/omonat garovi bank kafolati ta'minoti uchun)

\_\_\_\_\_  
(tuzilgan joy)

Chet el kapitali ishtirokidagi "Hamkorbank" ATB (bundan buyon matnlarda "Garovga oluvchi" deb nomlanadi) nomidan \_\_\_\_\_ yildagi \_\_\_\_\_ - sonli ishonchnoma asosida harakat qiluvchi bankning \_\_\_\_\_ boshqaruvchisi \_\_\_\_\_ bir tarafdan va (bundan buyon matnda «Garovga qo'yuvchi» deb yuritiluvchi) \_\_\_\_\_ ikkinchi tarafdan, ushbu shartnomani (bundan buyon matnda shartnoma deb yuritiladi) quyidagilar to'g'risida tuzdilar:

**1. SHARTNOMA PREDMETI**

1.1 Garovga oluvchi Prinsipalga \_\_\_\_\_ yil kungi \_\_\_\_\_ - sonli kafolat shartnomasiga asosan \_\_\_\_\_ oy muddatga, \_\_\_\_\_ yilga qadar \_\_\_\_\_ miqdorida, \_\_\_\_\_ maqsadida bank kafolati taqdim etadi. Garovga qo'yuvchi esa Prinsipalning garovga oluvchi oldidagi majburiyatlarini bajarilishini ta'minlash maqsadida o'ziga tegishli bo'lgan pul mablag'larini (garov obyekti) garovga taqdim etadi.

1.2 Garovga qo'yuvchiga tegishli \_\_\_\_\_ yil kunidagi \_\_\_\_\_ - sonli depozit/omonat shartnomasiga asosan bankning \_\_\_\_\_ filialida joylashgan, \_\_\_\_\_ - sonli depozit/omonat hisob raqamidagi \_\_\_\_\_ miqdoridagi mablag' garov obyekti bo'lib hisoblanadi.

1.3 Garov obyekti bilan garovga oluvchining talablari to'la hajmda ta'minlanadi, garov shartnomasi bo'yicha majburiyatlar bajarilmaganda, bajarish kechiktirilganda yoki lozim darajada bajarilmaganda neustoykani (jarima, penya) undiriladi, undiruvni garov shartnomasida ko'zda tutilgan garovga qo'yilgan mulkka qaratish va garovga qo'yilgan mulkni realizatsiya qilish va boshqa talablarini bajarish ta'minlanadi. Garovga qo'yuvchi tomonidan garov bilan ta'minlangan majburiyatlar bajarilmaganda, garovga oluvchi garov obyekti qiymatidan boshqa kreditorlarga qaraganda imtiyozli qanoatlantirish huquqiga ega bo'ladi.

1.4 Garovga qo'yuvchi garov obyekti bo'yicha quyidagilarni tasdiqlaydi:

- a) egalik huquqi asosida garovga qo'yuvchiga tegishli ekanligini;
- b) bundan avval garovga qo'yilmagani, shu jumladan, qonun bilan garovga olinmagani, xatlovga olinmagani, boshqa shaklda musodara qilinmagani, o'zganing ixtiyoriga o'tkazilmagani, mablag'ga bo'lgan huquqlar birona da'voning predmeti bo'lib hisoblanmasligini va boshqa cheklovlar qo'yilmaganini tasdiqlaydi.

Garovga qo'yilgan depozit/omonat mablag'i \_\_\_\_\_ yil kunidagi \_\_\_\_\_ sonli depozit/omonat shartnomasiga asosan garovga qo'yuvchiga egalik qilish huquqi asosida tegishli.

1.5 Garov obyektni almashtirishga faqatgina garovga oluvchining yozma roziligi bilan yo'l qo'yiladi.

1.6 Garov obyektiga nisbatan mulk huquqi cheklangan holda (omonat pul mablag'ining tanini tasarruf etish huquqsiz, faqat foizlarini olish huquqi bilan) garovga qo'yuvchida qoldiriladi.

## **2. TASDIQLASH VA KAFOLATLAR BERISH**

- 2.1 Garovga qo'yuvchi garovga oluvchiga taqdim etgan garovga qo'yish bilan bog'liq bo'lgan zaruriy hujjatlar haqiqiyliги, ma'lumotlarning ishonchliligi va hujjatlarning nusxalari asliga to'g'riligini kafolatlaydi.
- 2.2 Shartnoma tuzayotgan garovga qo'yuvchi xato fikrlar, yolg'on, zo'ravonlik, tahdidlar, yomon niyatli kelishuv yoki og'ir holatlarga to'g'ri kelib qolishi ta'sirida emasligini tasdiqlaydi.
- 2.3 Garovga qo'yuvchi bilan aloqa bog'lash usuli: mazkur shartnomaning XII bobida ko'rsatib o'tilgan rekvizitlar, shu jumladan cheklanmagan holda Garovga qo'yuvchining yuridik manzili, telefon raqami (vakilning uyali aloqa raqami).
- 2.4 Bank bilan aloqa bog'lash usuli: mazkur shartnomaning XII bobida ko'rsatib o'tilgan rekvizitlar, shu jumladan cheklanmagan holda 0 800 1 200 200 (bepul) hamda 1256 (pullik) raqamlar.

## **3. GAROVGA QO'YUVCHINING HUQUQ VA MAJBURIYATLARI**

### **3.1 Garovga qo'yuvchi quyidagi huquqlarga ega:**

- 3.1.1 shartnoma va qo'shimcha shartnomalarni imzo qo'ymasdan oldin tanishib chiqishi uchun o'zi bilan olib ketish;
- 3.1.2 qonun hujjatlarida belgilangan nizoni sudgacha hal qilish usullarini, shu jumladan muzokaralar o'tkazish orqali, qo'llash;
- 3.1.3 garovga qo'yuvchi depozit/omonat bilan ta'minlangan majburiyat yakunlangunga qadar agarda depozit/omonat shartnomasida nazarda tutilgan taqdirda, shartnomada nazarda tutilgan shartlarda depozit/omonatga nisbatan hisoblangan foizlarni olishga haqli;
- 3.1.4 garovga oluvchi bilan tuzilgan garov shartnomasi bo'yicha barcha majburiyatlar bajarilganda yoki qonun bilan ko'zda tutilgan boshqa asoslarda shartnoma tugatilganida garovga qo'yuvchi garov obyektini cheklovlardan ozod qilishni talab etishga haqli.
- 3.1.5 Garovga qo'yuvchi qarz oluvchi sifatida ishtirok etganda kredit (qarz) bo'yicha garovda turgan o'zining depozitidagi (omonatidagi) mablag'larini kredit (qarz) shartnomasi davrining xohlagan vaqtida depozit (omonatning) amal qilish muddatidan qati nazar, mazkur kreditni (qarzni) qaytarish uchun yo'naltirish huquqiga ega. Bunda, qarz oluvchi kredit (qarz) bo'yicha garovda turgan o'zining muddatli depozitidagi (omonatidagi) mablag'larini shartnomada ko'rsatilgan depozit (omonat) muddati tugagunga qadar kreditni (qarzni) qaytarish uchun yo'naltirmoqchi bo'lsa, u bu haqda bankni depozitni (omonatni) qaytarishni mo'ljallayotgan sanadan kamida bir oy oldin xabardor qilishi lozim.

### **3.2 Garovga qo'yuvchining majburiyatlari quyidagilar:**

- 3.2.1 Garovga qo'yilayotgan depozit/omonat mablag'ining mulk huquqi garovga qo'yuvchida qoldiriladi. Garovga qo'yuvchi garovga qo'ygan depozit/omonat mablag'ini ushbu garov shartnoma kuchda bo'lgan muddat davomida muddatidan oldin qaytarib olmaslik, boshqa shaxsga o'tkazmaslik, tasarruf etmaslik bo'yicha majburiyatni o'z zimmasiga oladi.
- 3.2.2 Depozit/omonat mablag'ini garovga qo'yish, mazkur shartnomani imzolash

munosabati bilan zarur bo'lgan qarzdorning imzo va boshqa vakolatlari bo'yicha tegishli hujjatlarni taqdim qiladi.

3.2.3 Ushbu depozit/omonat mablag'iga garovga oluvchining farmoyishiga asosan taqiq qo'yiladi. Mazkur taqiq garovga oluvchi tomonidan bekor qilinmagunicha garovga qo'yuvchini mazkur depozit/omonat mablag'ini tasarruf etishi vaqtincha cheklanadi. Agar bu vaqt orasida muddatli depozit/omonat shartnomasi muddati tugasa, depozit/omonat shartnomasida nazarda tutilgan depozit/omonatlar depozit/omonat shartnomasi shartlari asosida uzaytiriladi.

3.2.4 Garovga qo'yuvchiga qarshi sudda tegishli da'vo qo'yilganda, sud ishiga garovga oluvchi ishtirokini ham ta'minlash.

3.2.5 Depozit/omonat sertifikatini noqonuniy ravishda o'zganing egaligiga o'tganda, garovga oluvchini bu haqda xabardor etish.

3.2.6 Garov obyektini navbatdagi garovga bermaslik. Navbatdagi garovga oluvchi va garovga qo'yuvchi bir shaxs bo'lgan hollar bundan mustasno.

3.2.7 Garovga qo'yuvchi va prinsipal boshqa shaxslar bo'lgan taqdirda, agar garovga oluvchi tomonidan taqdim etilgan kafolat bo'yicha to'lovlar depozit/omonat mablag'i hisobidan undirilganida, garovga qo'yuvchi depozit/omonat mablag'i hisobidan to'langan mablag'larni prinsipaldan talab qilishga haqli.

3.2.8 Ta'sis hujjatlariga o'zgarishlar kiritilganda (yakka tartibdagi tadbirkorlar uchun – ro'yxatdan o'tish guvohnomasi va soliq hisobiga qo'yish guvohnomasi) yoki yuridik shaxslar/yakka tartibdagi tadbirkorlar yagona davlat reyestrtdagi ma'lumotlar o'zgarganda – garovga qo'yuvchiga tegishli hujjatlarning notarial tartibda tasdiqlangan nusxasini va o'zgarishlar davlat ro'yxatidan o'tganidan 10 kalendar kuni davomida yagona reyestrtdan ko'chirmani taqdim etadi. Unda ko'rsatilgan o'zgarishlar davlat ro'yxatidan o'tgani qayd etiladi.

#### **4. GAROVGA OLUVCHINING HUQUQ VA MAJBURIYATLARI**

##### **4.1 Garovga oluvchi quyidagi huquqlarga ega:**

4.1.1 garovga oluvchi garov bilan ta'minlangan majburiyatini bajarmagan yoki lozim darajada bajarmagan taqdirda, O'zbekiston Respublikasining amaldagi qonunchiligiga asosan undiruvni to'laligicha garov obyektiga qaratish;

4.1.2 garovga oluvchining talablari garovga qo'yilgan depozit/omonat mablag'i hisobidan qondiriladi;

4.1.3 agarda garov shartnomasida belgilangan muddat davomida depozit/omonat mablag'lari bilan ta'minlangan majburiyat prinsipal tomonidan bajarilmagan taqdirda, garovga oluvchi o'sha kunning o'zida prinsipal tomonidan garovga oluvchi foydasiga to'langan to'lovlarni garovga qo'yuvchining \_\_\_\_\_ depozit/omonat hisob varag'iga talabnoma qo'yish orqali undirib olish huquqiga ega bo'ladi;

4.1.4 garovga qo'yuvchi taqdim etgan kafolat xati bo'yicha garovga oluvchiga pul mablag'larini to'lab bergan taqdirda, depozit/omonat mablag'lari hisobidan to'lab berilgan pul-mablag'larini akseptsiz tarzda undirib olish.

##### **4.2 Garovga oluvchining majburiyatlari quyidagilar:**

4.2.1 Depozit/omonat mablag'iga qo'yilgan taqiq ijrosini ta'minlash bo'yicha javobgarlik to'laligicha depozit/omonat saqllovchi zimmasida bo'ladi;

4.2.2 Garov bilan ta'minlangan majburiyatlar to'liq bajarilgach, garovga oluvchi

majburiyatlar to'liq bajarilgan sanadan boshlab uch ish kunidan kechiktirmagan holda:

- a) garovda turgan mulkni bepul taqiqdan chiqarish;
- b) garov sifatida bo'lgan mol-mulkka nisbatan bankning huquqlari to'g'risidagi yozuvni garov reyestridan bepul chiqarish choralari ko'rish.

4.2.3 Qonun hujjatlarida belgilangan boshqa majburiyatlar.

## **5. SHARTNOMA BO'YICHA HUQUQLARDAN VOZ KECHISH**

5.1 Garovga qo'yuvchi o'z huquqlaridan voz kechishga va shartnoma bo'yicha majburiyatlarini uchinchi shaxslarga o'tkazishga haqli emas.

## **6. GAROV OBYEKTIGA NISBATAN UNDIRISHGA QARATISH TARTIBI**

6.1 Qarz oluvchi tomonidan kafolat shartnomasidagi majburiyatlar bajarilmaganda yoki lozim darajada bajarilmaganda garovga oluvchi mavjud qarzдорlikni garov obyekti hisobidan qonunchilikda belgilangan tartibda undirib olishga haqli.

6.2 Garovga oluvchi garovga qo'yuvchiga garov obyektiga nisbatan undirishga qaratish to'g'risida xabarnomani jo'natadi, unda garov bilan ta'minlangan majburiyat asosida garovga oluvchiga to'lanishi kerak bo'lgan summa ko'rsatiladi.

6.3 Garovga oluvchining xabarnomasini olishi bilan garovga qo'yuvchi taqdim etilgan kafolat bo'yicha benefitsarga to'lab berilgan to'lovlarini depozit/omonat mablag'i hisobidan amalga oshirishga majbur.

6.4 Agar garovga olingan depozit/omonat summasi garovga oluvchining garov bilan ta'minlangan majburiyatlariga bo'lgan talabidan yuqori bo'lsa, farqi garovga qo'yuvchiga qaytariladi.

6.5 Mazkur bo'limning shartlari garov obyektiga nisbatan suddan tashqari tartibda undirishga qaratish to'g'risidagi kelishuv bo'lib hisoblanadi va kafolat shartnomasidagi majburiyatlarni lozim darajada bajargunga qadar o'z kuchini saqlab turadi.

6.6 Prinsipal tomonidan kafolat xati yuzasidan benefitsarga to'lab berilgan pul mablag'larini bir oy davomida kafilga to'lab bermagan taqdirda, garovga oluvchi garov obyekti hisobidan mavjud qarzдорlikni undirib olishga haqli.

## **7. JAVOBGARLIK VA BOSHQA SHARTLAR**

7.1 Asosiy majburiyat bo'yicha majburiyatlar to'liq bajarilgandan so'ng garovga qo'yuvchining talabi bilan bir ish kuni ichida garov shartnomasi bo'yicha garovga qo'yuvchi tomonidan majburiyatlari to'liq bajarilganligini tasdiqlovchi hujjat taqdim etiladi.

7.2 Shartnoma bo'yicha o'z majburiyatlarini buzgan taraf qonun hujjatlarida nazarda tutilgan tartibda boshqa tarafga yetkazilgan zararlarni qoplashni o'z zimmasiga oladi.

7.3 Bank (garovga oluvchi) prinsipal va garovga qo'yuvchi o'rtasidagi munosabatlardan kelib chiqishi mumkin bo'lgan har qanday oqibatlariga javobgar emas.

7.4 Garovga qo'yuvchi shartnomani tayyorlash va uni bajarishga doir xarajatlarni to'lashni o'z zimmasiga oladi.

7.5 Shartnomani o'zgartirish va unga qo'shimchalar kiritish yozma shaklda rasmiylashtiriladi, taraflarning vakolatli vakillari tomonidan tasdiqlanadi.

7.6 Taraflar tomonidan bir-biriga jo‘natiladigan har qanday xabarnoma yoki boshqa xatlar yozma shaklda amalga oshirilishi shart. Bunday xabarnoma yoki xat pochta, xabarnomani olganini tasdiqlovchi buyurtma xat, faks, elektron manzil orqali pochta va elektron manzilga yoki shartnomada ko‘rsatilgan faks raqamiga yo‘llangan xabarnomalar lozim darajada jo‘natilgan, deb hisoblanadi. Pochta xabari/xati pochtdan ko‘rsatilgan manzilda oluvchi shaxs yo‘qligi tufayli belgisi bilan qaytarilgan hollarda ham jo‘natilgan, deb hisoblanadi.

7.7 Shartnoma tuzilishi va bajarilishi munosabati bilan garovga oluvchiga taqdim etilgan ma’lumotlarni (shaxsiy ma’lumotlar ham shular jumlasidan) qonunchilikka, bankda o‘rnatilgan qoidalar, garovga oluvchining ichki me’yoriy hujjatlariga muvofiq qayta ishlash va saqlashga garovga qo‘yuvchi rozilik beradi.

7.8 Shartnomadan kelib chiqadigan va muzokaralar yordamida hal qilinmagan barcha kelishmovchiliklar O‘zbekiston Respublikasi qonunchiligi doirasida ko‘rib chiqilib xal etiladi.

7.9 Garovga qo‘yuvchi bilan aloqa bog‘lash usuli: mazkur shartnomaning 12 bobida ko‘rsatib o‘tilgan rekvizitlar, shu jumladan cheklanmagan holda Garovga qo‘yuvchining yuridik manzili, telefon raqami (vakilning uyali aloqa raqami).

7.10 Bank bilan aloqa bog‘lash usuli: mazkur shartnomaning 12 bobida ko‘rsatib o‘tilgan rekvizitlar, shu jumladan cheklanmagan holda 0 800 1 200 200 hamda 1256 (pullik) raqamlar.

7.11 Mijozga bank xizmatini taklif qilish maqsadida ushbu shartnomaning amal qilish muddati davomida, shuningdek shartnoma muddati tugagandan so‘ng 1 yil mobaynida mijozning har qanday manbalardagi ma’lumotini olib qayta ishlagan holda taxlil o‘tkazishga mijoz o‘z roziligini beradi.

## **8. MAXFIYLIK**

8.1 Shartnomani tuzish va bajarish vaqtida taraflar bir-biridan olgan barcha ma’lumotlar maxfiy axborotlar deb tan olinadi.

8.2 Shartnomani tuzish va shartnomadan kelib chiqadigan majburiyatlarni bajarish chog‘ida boshqa tarafning tijorat siri hisoblangan maxfiy axborotlar va ma’lumotlarni axborot egasining yozma rozilgisiz oshkor qilmaslik majburiyatini oladi. Mazkur talab shartnomaning amal qilish muddatiga hamda shartnoma muddati tugagan vaqtdan boshlab 3 yil davomida amal qiladi. Ushbu talablarni buzgan taraf buning oqibatida ikkinchi tarafga yetkazilgan barcha zararni to‘liq hajmda qoplaydi.

## **9. FORS – MAJOR HOLATLARI**

9.1 Yengib bo‘lmaydigan kuchlar (fors-major) holatlari - bu taraflarning irodasi, xohishiga bog‘liq bo‘lmagan tabiat hodisalari (zilzila, ko‘chki, bo‘ron va hokazo), ijtimoiy-iqtisodiy holatlar (urush holati, qamal, davlat manfaatlarini ko‘zlab import va eksportni taqiqlash va boshqalar), xalqaro, banklararo va Bankning elektron to‘lov hamda ta’minot tizimidagi nosozlik, Bankning dasturiy ta’minot tizimiga qilingan tahdid (hujumlar) sababli yuzaga kelgan sharoitlarda taraflarga majburiyatlarni bajarish imkonini bermaydigan favqulodda, oldini olib

bo'lmaydigan va kutilmagan holatlardir.

9.2 Fors-major holatlari yuzaga kelgan vaqtda taraflar ushbu holatlar bartaraf etilguniga qadar shartnomaviy majburiyatlarini bajarishdan ozod bo'ladi. Fors-major holati 90 kun mobaynida bartaraf etilmagan taqdirda shartnoma bekor qilinishi mumkin.

9.3 Fors-major holatlari boshlanganligi yoki yakunlanganligi haqida bir taraf ikkinchi tarafni 3 ish kuni ichida bu haqda yozma ravishda xabardor qilishi shart. Xabarnomalar barcha aloqa vositalari orqali yuborilishi mumkin.

## **10. NIZOLARNI HAL QILISH TARTIBI**

10.1 Taraflar mazkur shartnomani bajarish vaqtida yuzaga kelgan kelishmovchilik yoki nizolarni muzokara yo'li bilan hal etadilar.

10.2 O'zaro kelishuv imkoniyati bo'lmaganda, huquqi buzilgan taraf tomonidan yuborilgan talabnoma yoki ogohlantirish xatiga ikkinchi taraf mazkur talabnoma yoki ogohlantirish xatida ko'rsatilgan muddat ichida javob berishi lozim.

10.3 Talabnoma yoki ogohlantirish xatini tarafga shaxsan topshirish, elektron pochta manziliga yuborish yoki pochta aloqa xizmati orqali buyurtma xat bilan yuborish yo'li bilan amalga oshiriladi.

10.4 Kelishuv yo'li bilan hal etilmagan nizolar O'zbekiston Respublikasi qonunchiligida belgilangan tartibda garovga oluvchining filiali/bo'linmasi joylashgan hududdagi sudga hal etiladi.

## **11. SHARTNOMANING KUCHGA KIRISHI VA BEKOR QILISH TARTIBI**

11.1 Mazkur shartnoma bir xil yuridik kuchga ega bo'lgan ikki nusxada tuzilib, shartnomaning bir nusxasi garovga oluvchida, ikkinchi nusxasi garovga qo'yuvchida saqlanadi. Garovga qo'yuvchi yoki uning vakolatli vakiliga garov shartnomasi imzolangan kunda shartnomaning bitta asl nusxasini taqdim etiladi.

11.2 Shartnoma taraflar tomonidan imzolangan paytdan boshlab kuchga kiradi va garov ta'minlangan majburiyatlar to'liq bajarilgunga qadar amal qiladi.

11.3 Garov bilan ta'minlangan majburiyatlar tugashi bilan shartnoma tugatiladi, shuningdek, garov obyektini realizatsiya qilish va garov shartnomasi bo'yicha qarzdorlik to'langanidan so'ng ham tugatiladi.

## **12. TARAFLARNING REKVIZITLARI VA IMZOLARI**

|  |  |
|--|--|
|  |  |
|--|--|